

## Descriptio

speciei novae e genere

# Ceratozamia.

*Ceratozamia Miqueliana* sp. n. Frondibus pinnatis, quinquejugis, longe stipitatis, junioribus pruinosis pilosisque, stipite subcylindrico basin versus sparsissime aculeolato, foliolis oppositis suboppositisve, e basi cuneata subdimidiato-obovatis, abrupte acuminatis, marginibus incrassato-subrevolutis, inferioribus prope apicem repandis et saepe grosse unidentatis.

Patria ignota.

Fronde  $3\frac{1}{2}$  ped. longae, stipitibus  $1\frac{1}{2}$  ped., foliolis 8—9 poll. longis,  $2\frac{3}{4}$ —3 poll. latis.

Foliolis longis latissimisque a *C. latifolia* Miq. sat differt.

Huic speciei insigni nomen imposui in honorem Guil. Miquel, Phil. Dr., hort. bot. univers. Amstelod. praefecti, viri clarissimi praestantissimique, qui de Cycadearum familia eruditissime scripsit.